

Adlis n Amus

- 1 1 Awaren isra Amu, ijj n bu rbhaym zi Tekua, di tmzra x Israel, dg wussan, umi tuya Usiya d ajdjid n Juda ed Jerubeam, mmis n Juac, d ajdjid n Israel, 2 n isggwasn awrud i wnhzzi n tmurt.
- 1 2 Netta issiwer: Arbbi isyuyyud s uxyycq,/ zi Jerusalem ijja tmijja tduquqz. Uca icmed hddu n initcan/ ed tqicci n Karmel tuzey.-
- 1 3 Ammu issiwer Arbbi: X 3 n ddnut, igga Damasku,/ x 4 war t tarryi: Minzi nitni ddzen Gilead s dduzan n wuzzar,/
- 1 4 s man aya sskkey timssi yar taddart n Hasael;/ a' tecc tizdday n Ben Hadad.
- 1 5 Necc ad arzey zzkrun n Damasku,/ ad nyey azdjif n Bikat-Awen/ ed bab n uekkaz n Bet-Eden; Rgens n Aram ad irah d anhbus yar Kir,/ issiwer Arbbi.-
- 1 6 Ammu issiwer Arbbi: X 3 n ddnub, igga Gaza,/ x 4 war t tarryi: Minzi marra timura ssxran tent,/ hima ad zznzen inhbas i Edum,
- 1 7 zi man aya ad sskkey timssi di rhyud n Gaza;/ a' tecc tizdday nnes.
- 1 8 Necc ad nyey azdjif n Acdud/ ed bab n uekkaz n Ackelun xenni ad csiy fus inu yar Ekrun/ ed min iqqimen n ait Filister ad wddarn,/ issiwer Arbbi.-
- 1 9 Ammu issiwer Arbbi: X 3 n ddnub igga Tiru,/ x 4 war t tarryi: Minzi zznzen ihmurn i Edum/ ed war idarn ead reahed ak tawmat,
- 1 10 x uyenni ad sskkey timssi di rhyud n Tiru;/ a' tecc tizdday nnes.-
- 1 11 Ammu issiwer Arbbi: X 3 n ddnub, igga Edum,/ x 4 war t tarryi: Minzi Edum idfar umas s usabli/ mnhra azidjez, minzi ittef dg wxyycq nnes rbd/ ed emmars war ijji zg tacruhi nnes,
- 1 12 ad sskkey timssi mgal Teman;/ a' tecc tizdday n Buzra.-
- 1 13 Ammu issiwer Arbbi: X 3 n ddnub, i ggin ait Amunit, x 4 war t tarryi: Minzi di Gilead carrgen ieddisn i tmyarin s ddyset, umi tuya xsen ad smyarn tammurt n sen,
- 1 14 x uyenni ad ggey timssi di rhyud n Rabba; a' tecc tizdday nnes, yar uyuyyi n rhwer dg wass n umnyi, yar zzhir dg wass n usmmid.
- 1 15 Ajdjid n sen ad itwahbbes, netta ed marra imqqranen nnes, issiwer Arbbi.-
- 2 1 Ammu issiwer Arbbi: X 3 n ddnub, igga Muab, x 4 war t tarryi: Minzi Muab ixsan n ujdjid n Edum issmed i ten igga zzaisen jjiyer (jjiyer),
- 2 2 x uyenni ad sskkey timssi mgal Muab; a' tecc tizdday n Keriyut ed Muab ad iwda imun dg wanu, yar uyuyyi n umnyi, yar uzmmar n waccawn.
- 2 3 Necc ad nyey di Muab azdjif ed ad mhiy ak ids marra imqqranen nnes, issiwer Arbbi.
- 2 4 Ammu issiwer Arbbi: x 3 n ddnub, igga Juda x 4 war t tarryi: Minzi arqqas n Arbbi arzin t ed ibridn nnes war ten dfarn, minzi ssufyen ten i wbrid Arbbit n sen n ixariyn, inni dfarn ura ed imzwura n sen,
- 2 5 x uyenni ad sskkey timssi mgal Juda; a' tecc tizdday n Jerusalem.-
- 2 6 Ammu issiwer Arbbi: X 3 n ddnub, igga Israel, x 4 war t tarryi: Minzi zznzen asbhan s ttmnyat ed imzrad s tujawin n sandalyat,
- 2 7 minzi nitni tbbzen imzzianen di tējact tetten taşyart n inni iarxun. Mmis ed babas ggurn yar tmittut d ict, hima ad earran isem amzdag inu.
- 2 8 Nitni wttan x warud id itwaharwen ztat i qae missa (altar), s ttmnyat n recur ssayen binu sessen t di taddart n Arbbi n sen.
- 2 9 Necc i tuya din, inyin ait Amurt ztat i ittawin n sen, inni tuya d imqqranen am idgl jhden am iskla n rbdjud; necc arytrej sennej ryidjet n sen ed swadday izwran n sen.
- 2 10 D necc i tuya, kenniw id issufyen zi Egibt (Masar) ed gwwdey kenniw 40 n isggwasn di tnzruft, mahend a' tmnecm tammurt n ait Amurit.
- 2 11 Necc arriy ihnjirn n wem d brufetat ed zg ihndriyn n wem inasiriyn. War dji ammu, kenniw ihnjirn n Israel? - Issiwer Arbbi.
- 2 12 Kenniw maca twcim i inasariyn ad swen binu ed tggim x brufetat: kenniw war tirin d brufetat ead.
- 2 13 Xzart, necc ad jjej tammurt sadu idarn n wem a' tuhez, mamec itmyyar ukarru, iccurn s idyn.
- 2 14 Xenni war ttiri tarwra ura i wen ifsusen qae, wen ijhden ad ifcer, ura ed aryaz (baryinti) war izmmar ad issujem tudart nnes.
- 2 15 Ura ed ijj bu fritcat war ityimi ibedd, wen itazzren dya war t kssin idarn nnes, ura ed ijj n wmnay n uyis ead war isnjim ix nnes.
- 2 16 Wen di idja tiyt qae dg isrdas, ad iarwer d aearian dg wass nni - issiwer Arbbi.
- 3 1 Sret awar a, issiwer Arbbi x afwem, kenniw ihnjir n Israel, x marra taqbitc, id ssnfey zi Egibt.

3 2 Γar kenniw waha i farzey zi marra tiqbbar n tmurt; x uyenni ad zzaiwem xrfey zi marra afaryed n wem.

3 3 Munen 2 i wbrid d ijj, nnhra ma ggin awar?

3 4 Ismuhrut wayyrad di tagant ed netta war γars bu zzardet? Ismiæiw wayyrad amzzian dg ifri nnes, am war imnie walu?

3 5 Tnttu txceft zi tmurt, mara war tmnie walu?

3 6 Isud ijj dg wbilaj dg wjyur, nnhra ma innxree rgens? Ttmsar arzyyet (laksiða) dg ijj n ubilaj, am war t iggi Arbbi?

3 7 Arbbi war itegg walu, am war ierim awrud i ixmmasn nnes, brufetat.

3 8 Ayyrad ismuhrut - man wen war itggwden? Arbbi, amqqrان, issiwer - man wen war iddikkwiren d brufeta?

3 9 Barhet t tiwa i tzdday n Acdud ed tiwa Aizdday (rqsur) di Egibt! Init: Munet x idurar innuden i Samaria, xzart di timgga war ihhrin ed wsynfi, dinni iggurn.

3 10 Nitni war ssinen umi qqarn nnichan - issiwer Arbbi -, jarrwen rknuz di tzdday n sen s uyir ed wsyufi.

3 11 X uyenni issiwer Arbbi, Amqqrان: Ijj n usngu ad inned i tmurt; netta ad ac ihdem jjhed ed tizddy nneç ad twagccden.

3 12 Ammu issiwer Arbbi: Am ij n unitci zg wqmmum n wayyrad (zg ict txsi) γar 2 n ixsan n tjdmn niy ijj n ixf n umzzuy id issnjem, ammu id γa twasnjen ihnjirn a Israel, inni di Samaria iqqimen di diwan n sen ed x qamat n sen n Damasku.

3 13 Srem t (sret t) ed tchdem t i taddart n Jakub - issiwer Arbbi, Amqqrان, Arbbi n resakar.

3 14 Wah, dg wass nni di γa xrfey zg Israel x ddnub nnes, ad wtey di missat n Bet-El; accawn n missa ad twarzen ad wdan γar tmurt.

3 15 Necc ad hdmeç tazddiyt (rqsar) n tagarst ed tzddiyt n unbdu, tudrin n tymas n ilw (rfir) ad twahdment ed ak aṭṭas n tudrin qṭtu - issiwer Arbbi.

4 1 Esrent awar a, tifunasin n Bacan x wdrar n Samaria, kennint issynfan inni iaxun ed tteddzent imzraç - ed i iryazn n cent tqarnt: Awiettiwd awru binu, nxs a'nsu.

4 2 Γar ueudji nnes Arbbi Amqqrان, ijjudj: Xzarnt, ussan ad asen x afkent, uca ad kennint awien s uyancu n wcesum, ed min xenni zzaikent γa iqqimen, s tsnnarin n wjmar.

4 3 Kennint a' tffeynt zg wbuxxic n rhyuð, ict awern i tnneynit; a' kennint twwjen γar Harmun - issiwer Arbbi.

4 4 Assttiwd γar Bet-El ed tggem ddnub, assttiwd γar Gilgal ed tggem ead aṭṭas n ddnub! Tawiettiwd γar utffu tayarst n wem awru, awiettiwd γar wass wiss 3 ijj zi mraw (æecari) n wem!

4 5 Sscmçet ayrum ismmen d tayarst n uqadi! Rayat γar tyarst n rxaðar, barrhet t dg wjenna, maḥend a t sren! Maγar ammu id awem itejib, kenniw ihnjirn n Israel - issiwer Arbbi, Amqqrان.

4 6 Necc jjiy kenniw ss raz di marra ibilajn n wem, war id awem bu wγrum ead di marra rðcur n wem ed qæ amni kenniw war id tdwirem γari - issiwer Arbbi.

4 7 Necc sbddey x afwem anzar 3 n iyurn awrud i tmjra. Tiwa ijj n ubilaj jjiy iwta wnzar, tiwa wnneyni walu; ijj n ijar immwc as wnzar, wnneyni walu, inzey.

4 8 Sin, kraç n ibilajn jarren idarn γar wnneyni; xsen ad swen aman qqimen maca ffuden. Ed qæ amni kenniw war id tdwirem γari - issiwer Arbbi.

4 9 Necc arytreç imndi n wem s uyummi ed buḥmrn, necç jyyhey tibḥhar ed tzayart n wem; urtan n wem ed uzmmur n wem ccin ten iburxsen marra. Ed yaæ amni kenniw war id tdwirem γari - issiwer Arbbi.

4 10 Necc sskkeç dda æeffan am Egibt, ihudriyn n wem nγiy ten s usabli wciy (i isnga) iqsan n wem d zzardet; arssuð n imttan n wkwartir n wem jjiy igæad awem γar wanzarn. Ed qæ amni kenniw war id tdwirem γari - issiwer Arbbi.

4 11 Necc iwicyd x afwem ijj n ukḥhed d amqqrان am wenni, i igga Arbbi x Sudum ed Gumurra; Kenniw tuya am ukcuð iuya (iarqq), id esin zi tmssi. Ed qæ amni kenniw war id tdwirem γari - issiwer Arbbi.

4 12 X uyenni necç ad ac ggeç qæ aya, Israel, ed minzi necç ad ac ggeç qæ aya, ḥzzem, ad tffyed γar Arbbi nneç.

4 13 Maγar xzar, netta isbdda idurar, netta itegg ašmmid, netta iqqar i iwdan, min itxarres; netta itegg atffu n rḥar ed tadjest, netta iggur tiwa i tqicci n tmurt - Jah, Arbbi n resakar, d isem nnes.

5 1 Esret (sret) awar a, kenniw zi taddart Israel, sret ayjdur, id x afwem sskkary:

5 2 Twða nettat war tbeddi ead, taæzarct Israel; nettat twða γar tmurt tarrez di tmurt nnes ed ura ed ijj war t isbdi.

5 3 Maγar ammu issiwer Arbbi, Amqqrان: Dg wbilaj, manis ffyen 1000 n iryazn, dwrend 100 waha, ed manis ffyen 100, dwren γar 10 waha.

5 4 Wah, ammu issiwer Arbbi γar taddart Israel: Arzut ayi, xenni a' tddarm.

5 5 Maca war arzzut x Bet-El, war ggurt γar Gilgal, war tggwujet γar Berceba! Maγar Gilgal ad itwaḥwwes ed Bet-El ad iwḡa.

5 6 Arzut Arbbi, xenni a' tddarm. Niγ ad iadef netta di taddart n Jusef am tmssi, itetten, ed ura ed iij war issxsiy acmaḡ n Bet-El. -

5 7 Axyyeb i inni, itarran tidett (rḡeḡḡ) d iḡi amarag ed tccatem nnican γar tmurt.

5 8 Netta igga Bleyad ed Uriun; netta itarra tadjest d atffu n rḡar, netta issbacan ass d tamddit, netta itraya i waman n ill ed itssu t tiwa i tmurt - Jah d isem nnes.

5 9 Dγya ineḡḡ wenni ijhden ihddem ibilajn.

5 10 Γar wjraw carrhen wen, isscanen γar nnican, ed wen issawaren tidett, teiffan t nitni.

5 11 Minzi kenniw tḡḡḡfem zg imzraḡ tmnyat n rcra ed imndi n sen d ttartib, s man aya tsbddam kenniw tudrin s wzu iarrzen - war daisent tzddyem, tḡḡzum i ikf n wem idurar n tzayart enan - ed kenniw war tsessem binu.

5 12 Maγar necc ssney aḡḡas n ufaryeḡ n wem ed ddnuḡ amqqrان n wem. Kenniw tḡssarm amzdag, kenniw tḡḡḡfem tḡmceḡ tqmmcem amarxu dg wjraw.

5 13 X uyenni isseyd dg wussan a, wen idjan d miγis; maγar d ussan ieffanen.

5 14 Arzut min iḡbḡen, war dji min idjan d aeḡfan; xenni a' tddarm ed xenni ad iiri, mamec tqqarm kenniw, Amqqrان, Arbbi n resakar, γarwem.

5 15 Carhet min idjan d aeḡfan, txset min iḡbḡen ed tḡkmem s nnican! Ḥadar ad iḡinn xenni Umqqrان, Arbbi n resakar, x min iqqimen zi Jusef.

5 16 X uyenni - ammu issiwer Umqqrان, Arbbi n resakar: Di marra izuraj ad ihwa weḡan ed di marra zznaqi ad syuyun: Axyyeb! Axyyeb! (Wayyaw! Wayyaw!) Axmmas n iijar a t id awien γar uyjdur, wen issnen izran n imttan ad x afs rayan ad iwceḡḡ.

5 17 Di marra idurar n tzayart ad iwḡa weḡan; maγar necc ad cuḡeγ dg wmmas nneḡ, issiwer Arbbi.

5 18 Axyyeb i inni, itqqrان γar wass n Arbbi. Min γa tggem zg wass n Arbbi? D tadjest netta, war dji d tfawt.

5 19 Netta, am mara iij iarwer i wayyrad xenni iγḡer i t uwersra (usu); iusedd netta γar taddart ismmed s ufus x rḡid, xenni tḡḡeḡ as ict fiγγa.

5 20 Wah, tadjest d ass n Arbbi, war dji tfawt, nnhra tḡya netta ed abarcan (tḡram).

5 21 Necc carheγ iydudn n wem, eiffey ten ed war zmmarز ad cmmeγ urarn n wem.

5 22 Mara kenniw tiwiem ayi 'd din tayarst n uscmeḡ, necc id ayi teḡibent ssdaq i n wem ed tγarst n uqadi n wem war xsey a tent zary.

5 23 Saggwjet s zḡga n izran nneḡ! Tirart n rgambri (harbe) nneḡ war xsey ad as sreγ,

5 24 maca tidett (rḡeḡḡ) ad iḡmer am waman, nnican am ij n ujrmam war itizeγ.

5 25 Ma tiwiem ayi d din tayarst ed ssdaq i di 40 n isggwasn di tnzruft, kenni zi taddart n Israel?

5 26 Kenniw ad tarbum (Arbbi) Sakkut d ajdjid n wem zḡatwem ed Kewan, itri Arbbi n wem, Arbbi n wem, inni tggim i ixḡ n wem nnit.

5 27 Necc a' kenniw stlleḡ γar tmura ayirin i Damasku, issiwer Arbbi; Arbbi n resakar isem nnes.

6 1 Axyyeb i in iccin ur n sen x Siun ed in ihnan x wdrar n Samaria. Axyyeb i ait cean jar rgnus. (Axyyeb i inni, γar munen ait Israel.)

6 2 Ujurt eḡdut γar Kalne ed txzarm min dinni immsarn! Ujurt ssni γar Hamat, dg wbilaj amqqrان, ed thwam swadday γar Gat, di tmurt n Filister! Kenniw ma xir zg ait agra a? Ma tammurt n wem d tamqqrان x tmurt n sen?

6 3 Kenniw, inni ixsen a' tssaggwjem ass n arzyyct, tndhemd ticti γarwem.

6 4 Kenniw tzzrem x qamat n tγmas n ilw ttstirem x ibayasn n wem. I macca ttawiemd izmarn zi tḡimmirt ed iynduzn zi rkuri.

6 5 Kenniw tḡzharm γar llya n harbs, txsem ad tssufyem izran am Dawid.

6 6 Kenniw tsessem binu zg iyarrafn, kenniw tdhnm ixḡ n wem s uzatim iqqurn ed war teḡinem x uybbi n Jusef.

6 7 X uyenni ad twastleem, d imzwura n imtlae. Ficta n imeḡaz rxxu teḡdu. (tḡḡa).

6 8 Arbbi, Amqqrان, iijudj γar ixḡ nnes- issiwer Arbbi, Arbbi n resakar: Necc eiffey nnfaxet Jakub carheγ tizdday (rqsur) nnes; abilaj ed marra, min idjan dais, a' daisen weḡeγ fus.

6 9 Mara xenni dg ict taddart waha ead qqimen 10 n iwdan, ura ed nitni ad asen iffeγ buḡber.

6 10 Ed icsi iij zi radj niγ wen intḡren iij n umtti, ḡima ad issufey rxcbet zi taddart, issqsa netta wen, iqqimen awarn i qae taymart n taddart: Ma din ead γark iij?, xenni ad iarr wanita: Walu!, ed ad iini: Sqar! Aqa a' tinid isem n Arbbi!

6 11 Maγar Arbbi ad idḡbar a' ttwahdem taddart tamqqrان d rxirbet ed tmzziant d d icdjiaq.

6 12 Tazzren iysan x rjuf, niy carrzen s ifunasn ill? Kenniw maca tarrim tidett d arrhaj ed ryidjet n nnican d izi amarzag.

6 13 Kenniw tsrwriwem x (uħwwes n) Lu-Dabar tqqarm: War dji neccin narna s tadusi nney Karnayim?

6 14 Maca xzart, kenniw zi taddart Israel, necc ad ndary ij n rgens x afwem, a' daiwem iyzza zi Lehu-Hamat yas ar ajrmam n Araba issiwer Arbbi, Arbbi n resakar.

7 1 Ta isscen ayi t Arbbi, dg ict tmzra: Netta igga iburxsen, umi tuya ryidjet n unbd u tssufuy (tuya ħtccen arrbiε i wjdjid).

7 2 Nitni kkarn ccin, marra tuzzyzut di tmurt. Uca rayiy: Arbbi, amqqrان inu, sameħ maca! Min ya immsarn i Jakub? Netta d amzzian.

7 3 Uca indemm Arbbi inna: War itmmsar ca.

7 4 Ta isscen ayi t Arbbi, Amqqrان, dg ict tmzra i Arbbi, Amqqrان, irayad i tmssi i tcti ed tmssi tcca rħmret tamqqrانt tdwer tšarred tammurt n Jakub.

7 5 Uca rayiy: Arbbi, Amqqrان inu, sbedd maca! Min ya immsarn i Jakub? Netta d amzzian.

7 6 Uca indemm Arbbi ed netta inna: Uca ed ta war tmmsar.

7 7 Ta isscen ayi t Arbbi, Amqqrان, dg ict tmzra: Netta ibedd x ij n rħid tuya yars ij blumu dg wfus.

7 8 Ed Arbbi issqsa ayi: Min ttwarid cek, Amus? Necc arriy x afs: Ijj n blumu n ubnnay. Uca inna Arbbi: Xzard da, s blumu wzzney rgens inu Israel. Necc war x afs srqqiy ict twara nneynit ead.

7 9 Tudrin n Arbbit war idjin n Isaak ad twahdment ed tudrin timrabđin n Israel ad twaxarrbent; ad kkary s usabli dg wfus yar taddart n Jerubeam.

7 10 Amazya, axhan n Bet-El, iija ad ierem, i Jerubeam, ajdjid n Israel: Dg wammas n Israel itraya Amus yar uywwey mgal cek; awaren nnes war ten tkssi tmurt.

7 11 Mayar ammu i iqqar Amus: Jerubeam ad itwancy s usabli ed Israel ad iftey tammurt ad itwastleε.

7 12 I Amus maca inna Amazya: Ujur, agzzan, arwer yar tmurt Juda! Ecc dinni ayrum nnecc ffey dinni d brufeta.

7 13 Di Bet-El war tzmmard ead a' tssiwred d brufeta; mayar ta d tammurt tamrabet n ujdjid ed zzawect n tglidit.

7 14 Amus iarra x Amazya: Necc war djiy d brufeta wa d amħđar n brufeta, maca necc d bu rbhaym ed bab n thndect.

7 15 Maca Arbbi icsi ayi 'd zi thimmirt inu inna ayi: Ujur ed tssiwred am brufeta yar rgens inu Israel!

7 16 X uyenni ser rxxu i wawar n Arbbi! Cek tqqard: War id ttas d brufeta mgal Israel ed war tgzzen mgal taddart n Isaak!

7 17 X uyenni- ammu issiwer Arbbi: Tamyard nnecc a' tiri d taqħbecc dg wbilaj, iħnjirn nnecc ed yssic ad wđan sadu usabli, ijarn nnecc ad twabđan s ufiru n rēbar, cek maca ad ac iffey buħber dg ict tmurt txmej ed Israel ad iffey tammurt nnes ad itlee.

8 1 Ta isscen ayi t Arbbi, Amqqrان, dg ict tmzra: Necc zriy rkurbet n igumma (rxuđart) tnnwa.

8 2 Netta issqsa: Min ttwarid cek, Amus? Necc arriy x afs: Ict rkurbet n rxuđart tnnwa. Uca inna ayi Arbbi: Rgens inu Israel inuwa i qttu. Necc war x afs srqqiy ead ict twara nneynit.

8 3 Dg wass nni ad inint tmcđah n tzddiyt (rqsar) izran n ubarri- issiwer Arbbi. Marra iccur s rxcbat, mani ma nttarn tent din. Walu rħess!

8 4 Esret awar a, kenniw iđaffarn imarxa tsyufam imzrađ.

8 5 Kenniw tqqarm: Mirmi ya iedu wydud n ubddi uyur? Neccin nxs a' nzznz abray. Ed mirmi ya iedu sabbat? Neccin nxs a' narzem tasraft n imndi, huma a' negg rēbar d amzzian ssum d amqqrان a' nzwwar rmyzan.

8 6 Neccin a' nsey s tmnyat rmusakin, s tjujawin n tsira imzrađ. Ead icarfa n wbray ad zzais negg tmnyat.

8 7 Ğar nnnfaxet n Jakub ijjudj Arbbi: ura ed ict tmgga n sen emmars a tent ttuy.

8 8 Ma war tnhezzi tmurt s man aya ma war tirin marra imzday nnes cđnen? War ttgēeid tmurt tmun am Nil: (a' tarwi) a' tars εawed am iyzar n Egibt (Masar)?

8 9 Dg wass nni- issiwer Arbbi, Amqqrان- ad jjeç tfuct yar wazal (wzyen nnhar) a' tyri ed ggeç yar tħħa x tmurt marra tadjest.

8 10 Necc ad arrey fictat n wem d acđan ed marra izran n wem imttawn x imttan. Necc nndey i marra aruđ n wčđan ed ad ħffey marra izdjifn d iqccura. Necc ad awieç acđan x tmurt am acđan x uyenni n mmis ed qttu ad iiri am wass amarzag (n tmnawt).

8 11 Xzart, ad asen wussan- issiwer Arbbi, Amqqrان-, uca ad sskkeç buhyyuf di tmurt, war dji raz n wyrum, war dji fad n waman, maca n wawar n Arbbi.

8 12 Xenni ad mmuttien iwɗan zg ill ɣar ill, ad ujurn zi snnej (izzlmeɗ) ɣar manis id tnqar tfuct (ccarq), ɥima ad arzun awar n Arbbi; maca war t tifen.

8 13 Dg wass nni tihhramin icnan ed ihndriyn ad ɣacan s fad,

8 14 marra, inni itjadjan ɣar awraf n rxyar (rsnam) n Samaria qqarn: Ahheqq Arbbi nneɗ, Dan, ahheqq Beerceba nneɗ ieiẓzen!, nitni ad wɗan ɣar tmurt ed war tkkarn ead.

9 1 Necc zriy Arbbi ɣar missa ibedd. Netta inna: Ewwet azdjif n ubilar, ɣas ari id arjijent thnya. Necc ad asen arzey marra azdjif. Min xenni zzaisen ɣa iqqimen, a t nycy s usabli. Ura ed ijjen zzaisen war itrikkwir, ura ed ijjen war injjem, ura ed ijjen war itnfkki.

9 2 Mara nitni snuqqben x umaɗal n imttan (ceul): fus inu a ten dinni ittef. Ed mara geaden ɣar ujenna: necc a ten ssni sshwiɣ.

9 3 Mara nitni ffarn x tqicci n Karmel: necc a' ten afey a' ten mnecy. Mara ffarn zzayi di tisi n ill, xenni ad sskkey fiyar n waman, a ten izef.

9 4 Ed mara hwwsen ten isnga n sen dhen ten, xenni ad sskkey sabli dinni, a ten iney. Necc ndary titɥawin inu x afsen i ticti (arzyyet) n sen, war dji i zzhar (ttisir) n sen.-

9 5 Arbbi, Arbbi n resakar, netta ithada tammurt, tydji (tfessi) ed marra imzday nnes ccurn s weɗan, a' tgeed marra tmurt am Nil ed a' thwa am iyzar n Egibt.

9 6 Netta isbedd ixxamn nnes dg wjenna itegg tazqqa nnes x tmurt; netta itraya i waman n ill itzdjae i ten x tmurt- Jah d isem nnes.

9 7 Kenniw i necc mahu ait Kucit, kenniw ait Israel?- issiwer Arbbi. Necc ssufeyɗ Israel zi Egibt, ait Filista zi Kaftur ed ait Aramea zi Kir.

9 8 Titɥawin n Arbbi, Amqqran, aqqa yent x tglidit m ddnub. Necc a t kksey x tmurt; maca necc war hddmey ca marra taddart n Jakub- issiwer Arbbi.

9 9 Wah, xzart, necc ad sskkey simant inu, ad zrzcy jar marra rgnus taddart Israel, mamec tsyyarn (imndi) dg ijj n busiyyar, am war iwtti ijj n wzru ɣar tmurt.

9 10 Marra imdnab n rgens inu ad twanyen s usabli, marra, inni iqqarn: Ticti (arzyyet) war id aneyɗ ttiwed, war id x afney tharret.

9 11 Dg wass nni ad sbdɗey twara nneynit anwal iwɗan n Dawid ad jbarɣ tazzyin nnes, necc ad sbdɗey rxirbet nnes ed arrey marra am dg wussan n zic,

9 12 maɥend ad irin tiwa i wi iqqimen zi Edum ed marra rgnus, tiwa inni ixw itwabarreh isem inu- issiwer Arbbi, wen itggen marra aya.

9 13 Xzart, ad asen wkssan- issiwer Arbbi-, wenni icarrzen ad hart x wenni imjjarn ed wenni irbbzen aɗir s idarn x wenni izarreen; uca idurar ad tucurn s binu ed marra tiwririn ad ssfient,

9 14 Xenni ad arkkwhey rgens inu Israel. Nitni ad sbdden ibilajn ihdmen ad zdyen daisen; nitni ad zzun idurar n tzayart ad swen binu, ad ggen ihwien ad ceen rxuɗart (igumma).

9 15 Necc ad zzyy rgens inu di tmurt n sen ed emmars ad twaqreen zi tmurt n sen, id asen weiy, issiwer Arbbi, Arbbi nneɗ.